

4 buka ané mungguh di tjakepan Nabi Jesaja, kéné: "Ada munjin anak kauk-kauk di tegal mlakangé: Bakbak dja lakar margan Ida Sang Sasembahan, tur benengang rurung-rurung Idané; 5 sakadan pangkung lakar kaurug, sahananing gunung muah bukit lakar kaeed; 6 ané bèngkong lakar kabenengang tur ané mentag-mentug lakar karataang, buina sakantjan manusané lakar nepukin karahajuan paitjan Ida Sang Hiang Widi." 7 Pangandikan Ida Jokanan tekèn anaké liu ané teka makeneh lakar kalukat baan ida, kéné: "Ih djelma njahan lalipi lu! Njèn ké mitudjuhin tjai ambah malaibang dèwèk uli pamidukan Ida Sang Hiang Widi Wasa ané lakar teka? 8 Patut tjai mesuang buah ané sapaut tekèn pasalin kenehé. Da pesan tjai pada ngawitin mapineh kéné: Ida Ibrahim tuah bapan i dèèèké! Itjang ngorahin tjai: uli batu-batuné tènènan Ida Sang Hiang Widi mawisésa ngarianang Ida Ibrahim santana!